







HARVARD-YENCHING LIBRARY
HARVARD UNIVERSITY
2 DIVINITY AVENUE

From *From Countway Lib.*

OCT 31 1999

赤水玄珠婦人門第二十四卷

耳

赤白遊風

結核方論

婦人疝瘕

鶴膝風

足跟瘡腫

肺癰

腸癰

乳癰乳岩



赤水玄珠婦人門第二十四卷

新安生生子孫一奎著輯



耳

立齋曰耳瘡屬手少陽三焦及足厥陰肝經血虛
 風熱或怒動肝火而致若發熱熾痛屬三焦厥
 陰風熱用柴胡清肝散若寒熱作痛或作嘔吐
 乃肝火傷脾用益脾清肝散若口乾足熱為肝
 腎陰虛用益陰腎氣丸若月經先期為血熱用
 加味逍遙散過期為血虛用八珍湯食少躰倦

為鬱火加味歸脾湯惡寒發熱肢躰倦怠為氣血俱虛用十全大補湯慎不可專治其外復傷氣血也

一婦耳內外腫痛胸膈不利寒熱往來小便不調此肝火傷血先用龍胆瀉肝湯四劑諸症頓退又用加味道遙散而痊又因怒復作用柴胡而安

一寡婦耳內外作痛不時寒熱脉上魚際與血盛之症用小柴胡加生地以抑其血而愈又項間

結核如貫珠寒熱晡熱用加味歸脾湯加味道遙散調補肝脾而愈

一女子耳下腫赤寒熱口苦月經不調小腹內結一塊此肝火氣滯而血凝也先用小柴胡加山梔川芎丹皮又用柴胡清肝散而痊

小柴胡湯 治肝胆經症寒熱往來晡熱潮熱身熱默默不欲飲食或怒火口苦耳聾咳嗽發熱脇下作痛甚者轉側不便兩脇痞悶或瀉痢咳嗽或吐酸食苦水皆用此藥主之

柴胡 二錢 黃芩 炒 一錢 人參 半夏 各七分

炙甘草 五分 姜 三片 水煎服

加味小柴胡湯 治肝胆經風熱前後腫痛或

結核焮痛或寒熱晡熱或經候不調等症

即前小柴胡湯加山梔丹皮

益脾清肝散 治肝經之症寒熱躰痛脾胃虛

弱 人參 白木 炒 茯苓 各一錢

炙甘草 柴胡 各五分 川芎 川歸

黃耆 各一錢 丹皮 七分 水煎服

梔子清肝散 治三焦及肝胆經風熱耳內作

痒或生瘡出水或脇肋胸乳作痛寒熱往來

柴胡 山梔 炒 丹皮 各一錢 茯苓 川芎

芍藥 當歸 牛旁子 炒 各七分 白木 炒

甘草 各五分 水煎服

柴胡清肝散 治肝胆三焦風熱怒火以致項

胸作痛或頭目不清或耳前後腫痛或寒熱躰

痛 柴胡 黃芩 炒 甘草 各五分 人參

山梔 炒 川芎 各一錢 連喬 桔梗 各八分 水煎服

犀角地黄湯 治上焦有熱口舌生瘡發熱或

血妄行或吐衄或下血

犀角 生地 白芍藥 黃芩炒

牡丹皮 黃連炒各一錢 水煎服 因怒而患者

加柴胡山梔

犀角升麻湯 治陽明經風熱牙疼或唇頰腫

痛或手足少呖經風熱連耳作痛

犀角 升麻 防風 羌活各一錢

白附子五分 川芎 白芷 黃芩炒各七分

甘草五分 水煎服

當歸川芎散 治手足少陽經血虛瘡症或風

熱耳內痒痛生瘡出水或頭目不清寒熱少食

或經水不調胸膈不利腹脇痞痛小便不調

當歸 川芎 柴胡 白朮炒 芍藥

炒各一錢 山梔炒一分 錢 丹皮 茯苓各八分

蔓荊子 甘草各五分 水煎服

雜方

加味地黃丸 治肝腎陰虛諸症或耳內痒痛

出水或眼昏痰喘或熱渴便澀等症

乾山藥 山茱萸 牡丹皮 澤瀉 柴胡

白茯苓 熟地黄 生地 五味子 各等分 為末

右將煉蜜為丸梧子大每服百丸空心白湯

下如不應加減八味丸

人參養榮湯 治潰瘍寒熱四肢倦怠身瘦少

食面黃氣短不能收斂大瘡愈後多服之庶不

變他症也

白芍藥 一錢五分 人參 陳皮 黃耆 炒

桂心 川歸 白朮 炒 炙甘草 各一錢

熟地 五味 炒 茯苓 各七 遠志 去心炒 五分

入姜枣水煎服

瀉青丸 治肝經實火脇乳作痛或惡寒發熱

大便秘結

川歸 龍胆草 炒焦 川芎 山梔 炒 大黃

炒 羌活 防風 各等分

右為末蜜丸梧子大每服三四丸白湯下○若

陰血不足肝火血燥用四物加山梔柴胡或逍

遙散加丹皮山梔○若腎水虧損不能生肝木而筋挛結核或肢節挛搐或似中風涎痰上湧用六味丸料煎服

生地黄丸

治師尼寡婦室女乍寒乍熱或頸

間結核肝脉弦長直出魚際

生地

秦元

黃芩

硬柴胡

各五分

赤芍藥一兩

右煉蜜為丸梧子大每服三十

丸烏梅湯下

連翹飲子

治肝胆經氣滯癰癧結核或乳內

結核者

連翹

川芎

瓜蒌仁

橘葉

皂角刺

青皮

甘草節

桃仁各一錢

水煎服

散腫潰堅湯

治癰疽堅硬氣血無虧者

升麻

連翹

川歸尾

白芍

葛根

三稜

酒拌微炒

廣木

各三分

龍胆草

桔梗

炒

昆布

知母

酒炒

瓜蒌仁

各五分

柴胡

四分

黃芩

酒炒二分

炙甘草

二分

右水煎服

必効散

治癰癤未成者消已潰者歛須元氣

無虧者可服孕婦勿服

南蓬砂二錢

輕粉一錢

斑猫四十枚去頭足同稷米炒

去米

射香五分

巴豆五粒去壳心膜

白栴榔一枚

右為末每服一錢五更用滾湯調下如小水

瀯滯或微疼以此癰毒歛下也進益元散一服

即下此方班猫巴豆似為峻厉然用巴豆

乃解斑猫巴豆用者勿畏也

益元散

滑石飛六錢

甘草

各為末每服一二錢白湯調下

琥珀膏

治頸項或腋下初結小核漸如連珠

潰而膿水不絕或漏症者

琥珀一兩

丁香

桂心

硃砂 木香

松香俱為末

白芷

防風

當歸 木通

木别子肉各五錢

麻油二斤

將后五味入油煎熬藥焦濾去渣徐徐入黃丹

再熬軟硬得所入前末藥即成膏矣

針頭散

治一切頑瘡內有瘀肉或癰核不化

瘡口不合宜以藥腐之

赤石脂 五錢

乳香

白丁香

砒霜 生用

黃丹 各一錢

輕粉

射香 各五錢

蜈蚣 一條

為末搽瘀肉上其肉自化若瘡口小用糊和
作細条陰乾經之凡瘡以不合者內有膿管
必須用之

結核方論

婦人結核皆因鬱怒虧損肝脾或因胎產經行失

於調護或因暴怒觸動肝火若結於項側耳前

後或胸脇腫痛或發寒熱屬胆經風熱怒火宜

用柴胡清肝散加釣藤山梔以養血氣清肝火

若結于肉理其色不變晡熱內熱屬肝火血虛

宜加味逍遙散加龍胆草以養肝血清肝火或

結于肢節或累如貫珠其色不變亦肝火血

燥而筋挛宜用柴芍參苓散加釣藤以養血氣

佐以六味丸以生腎水若時消時作此氣滯而

痰結也用歸脾六君二湯以調和脾肺之氣並

佐以海藻丸若潰而核不腐或肉不生或膿水

八十四卷
清稀肌寒肉冷自汗盜汗寒熱內熱面色痿黃
食少躰倦便利不調者五臟皆虛也但用補中
益氣加味六君子二湯調補脾胃以滋諸臟則
各症自退故經云形傷則痛氣傷則腫慎不可
輕用行氣破血而洩傷也

一婦項結核寒熱頭痛脇脹乳痛內熱口苦小便
頻數屬肝火血虛用加味四物而愈又用加味
逍遙散調補肝脾而安

一婦耳內耳後項側結核作痛寒熱口苦月經不
調與肝胆經火而傷脾胃也用四君柴胡丹皮
及六味丸而愈

一婦項患五核時常寒熱肝脈弦長而出寸口與
血盛無偶之症也用小柴胡湯加生地烏梅而
愈

加味逍遙散 治肝脾血虛有熱遍身搔痒或
口燥咽乾發熱盜汗食少嗜卧小便澀滯等症
又治療癰流注虛熱等瘡

炙甘草

當歸 炒

芍藥 酒炒

茯苓

白朮炒各一錢

柴胡

牡丹皮

山梔炒五分

水煎服

逍遙散

即前方減丹皮山梔

歸脾湯

治脾經失血少寐發熱盜汗或思慮

傷脾不能攝血以致妄行或健忘怔忡驚悸不

寐或心脾傷痛嗜卧少食或憂思傷脾血虛發

熱或肢躄作痛大便不調或經候不准晡熱內

熱或瘰癧流注不能消散潰斂

人參

白朮炒

黃耆炒

茯苓

當歸

遠志

酸棗仁炒各一錢

木香

炙甘草五錢

分

龍眼肉

三枚

姜棗水煎服

加味歸脾湯

即前方加山梔柴胡

紫朮參苓湯

治肝火血熱遍身搔痒或起赤

暈或筋挛結核

白朮

人參

茯苓各一錢

柴胡

川芎

山梔炒

芍藥炒

甘草炒各五分

熟地

當歸

各八分

水煎服

紫芍參苓散

治肝胆經部分結核瘰癧瘤瘕

等症或肝血燥脾氣虛弱發熱少食

柴胡 芍藥炒 人參 茯苓 白朮炒

山梔炒 陳皮 當歸錢各一 丹皮 甘草

各五分 姜枣水煎服

清肝益榮湯 治肝胆經風熱血燥筋挛結核

或作癩子 柴胡 薏苡仁 茯苓

木瓜 熟地錢各一 山梔 龍胆草

白朮炒各五分 川芎 川芎 芍藥炒各五分

甘草三分 水煎服

清熱涼血飲 治風熱血燥丹毒等症大便秘

結 當歸 川芎 大黃炒 芍藥炒

生地錢各一 水煎服

神効開核散 消癭塊甚効

沉香 木香錢各二 橘紅 四兩 珍珠粒四十九

封固煨 赤存性出火毒 猪鬃子四十九枚豚猪生

為末每服一錢臨卧酒調徐徐嚥下輕者三

五服重者十服可愈切忌酸醎油膩滯氣之

物須用除日于靜室修食

海藻散堅丸

治肝經癭瘤

海藻

昆布

各二兩

小麦

四兩醋煮

柴胡

二兩

龍胆

酒拌炒焦二兩

為末蜜丸梧子大每服三十

丸臨卧白湯送下噲化嚙之尤妙○凡患瘰

癧服調治之藥未應宜佐以前二藥

益氣養榮湯

懷抱抑鬱瘰癧流注或四肢患

腫肉色不變或日晡發熱或潰而不斂

人參

茯苓

陳皮

貝母

香附

川歸

川芎

黃耆

薑水炒熟地

芍藥

一錢

炙甘草

桔梗

炒各五分

白朮

炒二錢

入姜水煎服

木香餅

治氣滯結腫閃胸風寒所傷作痛

木香

為末五錢

生地

一兩

搗地黃膏和勻量患

大小作餅子置患處以熱熨斗熨之腫痛悉

退

當歸飲

治熱血癰疹痒痛膿水淋漓發熱等

症

當歸

白芍藥

川芎

生地

白芨黎

黃耆

各一錢

防風

荆芥

何首

烏 忌 鉄

甘草 各五

水煎服

赤白遊風

婦人赤白遊風屬肝經鬱火血燥生風或脾經鬱結血虛生熱或腠理不密風邪外襲其症或疙瘡瘙癢或膿水淋漓白屬氣而赤屬血因得風而遊行也若肝經血燥用柴胡清肝散肝經怒火用梔子清肝散肝經血熱用加味四物湯肝火血虛六味丸脾經鬱熱加味歸脾湯肝脾血虛風熱加味道遙散若因風利 鬱熱所致用荆

防敗毒散或專用祛風之劑肝血愈燥則血隨

火化反為敗症矣

一婦身如丹毒搔破膿水淋漓熱退頭暈晡時益

甚用加味道遙散而愈

一女赤暈如霞作痒發熱用加味小柴胡加生地

連翹丹皮而愈○大凡女子天癸未至婦人月

經不調受驚着惱多有此症

消風散

治風寒癩疹痒痛或膿水淋漓頭皮

腫痒

荆芥穗

炙甘草

陳皮

人參 茯苓 白姜蚕炒 防風 茅窮

霍香 羌活 蟬蛻各一錢 厚朴姜制五分

水煎服

大連翹飲 治風熱熱毒赤白遊風表裏皆受

患者 連翹 瞿麥 荆芥 木通

蟬蛻 甘草 赤芍 防風 柴胡

滑石 山梔炒 黃芩炒 川歸一錢

水煎服

婦人疝瘕 一名便瘕 一名便毒 俗名瘕子

婦人疝瘕或肝經濕熱下注或鬱怒傷損脾肝其

外症或拘小腹腫痛或玉門焮腫作痛或寒熱

往來增寒壯熱其內症或小便澀滯或腹內急

痛或小腹痞悶或上攻兩脇或晡熱重墜若兩

拘小腹腫痛肝經濕熱壅滯也用龍胆瀉肝湯

玉門腫脹肝火血虛也用加味逍遙散及龍胆

瀉肝湯加木香若槩投散血攻毒之劑則誤甚

矣

婦人拘中赤腫脹痛與膿內作用托裏消毒散

加與數劑潰而膿清寒熱乃氣血復虛用托裏散而寒熱止用十全大補湯百餘劑而斂

一婦人腹拘腫痛寒熱口苦或時帶下與肝經濕熱不利也用龍胆瀉肝湯而腫痛消用加味道遙散而寒熱退

一婦人腹拘腫痛小水不利時或胸乳作痛脇腹作脹與肝火氣滯用四物柴胡青皮玄胡木香而愈

一婦人兩拘腫痛腹內一塊不時上攻月經不調小便不利余以為肝脾氣滯而血傷以四君子加芎歸柴胡山梔而愈後因鬱怒前症復作兼胸滿腹脹盜汗與肝木甚而傷脾土也用加味歸脾湯下蘆薈丸而痊

一婦人陰中如梗兩拘腫痛寒熱不食小便頻數小腹重墜余以為肝脾鬱怒所致先以補中益氣加茯苓山梔車前子青皮以清肝大升脾氣更以加味歸脾湯調理脾鬱而愈

龍胆瀉肝湯 治肝經濕熱兩拘腫痛或腹中

疼痛或小水澁滯等症

龍胆草 酒拌炒黃

澤瀉 各一錢

車前子 炒

生地黄

酒拌木通

山梔 炒

黃芩

甘草 各五分

右水煎服

九味柴胡湯

治肝經濕熱下注便毒腫痛或

小腹脇肋結核凡肝胆經部分一切瘡瘍或風

熱結核癰癤

柴胡 炒名 黃芩 一錢 人參

山梔 炒 半夏

龍胆草 炒焦

川歸

芍藥 炒

甘草 各五分

右水煎服

蘆薈丸

治肝氣不和剋侮脾胃而患諸症或

三焦肝胆經風熱目生雲翳或疔熱癰癤耳內

生瘡寒熱作痛肌腫消瘦發熱作渴飲食少思

肚腹不調或牙齦齩落頰腮腐爛下部生瘡等

疔 炒 蘆薈 五錢

胡黃連

當歸

芍藥

龍胆草 酒浸炒焦

川芎

蕪荑 各一兩

木香 炒 甘草 各三錢

右為末用米糊丸麻子大每服五十九滾湯

下

鶴膝風

婦人鶴膝風症曰胎產經行失調或鬱怒虧損肝脾而為外邪所傷或先腿脚牽痛先或肢躰筋挛既而膝漸大腿漸細如鶴膝之狀而名之也若高腫赤痛者易治若漫腫不赤痛者難治二三月潰而膿稠者易治半載後潰而膿清者難治設先攻伐虧損元氣尤為難治也大要當固元氣為主而佐以大防風湯若食少躰倦者六

君子湯為主晡熱內熱者逍遙散為主寒熱往來者八珍湯發熱惡寒者十全大補湯不寐而驚悸者歸脾湯月經過期者補中益氣為主月經先期者加味道遙散為主凡潰後當大補脾胃若膿出反痛或寒熱煩渴等症皆屬氣血虧損一切主于補培庶保終吉

婦患鶴膝兩拗中腿股筋牽作痛內熱寒熱與肝火氣滯之症先用加味小柴胡湯四劑後以加味道遙為主佐以大防風湯而消又患痢後

兩膝腫痛寒熱往來用十全大補湯為主佐以
大防風湯而全消

大防風湯 治陰虛邪襲腿膝腫痛等症

防風 附子 炮牛膝 白木炒 羌活 人參

各一錢 川芎 桂心 黃耆炒 各一錢

芍藥炒 杜仲姜制 各一錢 甘草 五分 熟地 半錢

水煎服

黑丸子一名和風 治跌撲墜墮筋骨疼痛或瘀

血壅腫或外感風寒肢躄作痛若流注膝風初

結服之自消若潰而膿清與補氣血藥自斂孕

婦勿服

百草霜 白芍各一兩 南星 川烏各炮三錢

白蘇 赤小豆各半兩 白芨 川歸

骨碎補炒 各八錢 牛膝 八錢

右為末酒糊丸桐子大每服三十丸鹽湯温

酒任下

聖愈湯 治血虛心煩睡卧不寧或五心發熱

熟地黃 生地黃 黃耆炒 人參 川芎

川歸錢各一

水煎服

八味丸

治火衰不能生土以致脾胃虛寒而

患流注鶴膝等症不能消潰收斂或飲食少思

或食而不化或臍腹疼痛夜多漩溺益火之原

以消陰翳即此方也

熟地黄

自製乃佳八兩

山茱萸肉

山藥

各四兩

茯苓

牡丹皮

澤瀉

各三兩

桂

去粗皮能補腎而引

虛火下行歸原一兩

大附子

用一兩五錢重者切四塊用童便浸數日火煨切

看無白星為度

右為末蜜丸桐子大每服七八十丸滾湯下

婦人足跟瘡腫

足跟足指腫痛足心發熱者皆因胎產經行失于

調攝虧損足三陰經虛熱所致若腫痛或出膿

用六味丸為主佐以八珍湯胃虛懶食佐以六

君子湯寒熱內熱佐以逍遙散疝熱益甚頭目

不清佐以補中益氣湯痰盛作渴或口舌生瘡

亦用前二藥以滋化源大凡發熱內熱疝熱自

汗盜汗等症皆因虛假熱也故丹溪謂火起九

泉陰虛之極也蓋足跟乃督脉發源之所腎一

經所過之地若不求其屬而泛以寒涼則悞甚矣然俗謂為兔啣瘡者蓋人兔咬足跟久而不斂氣血瀝盡其人必死男子酒色過度者亦多患此症

一婦兩足發熱足跟作痛日晡熱甚此腎肝血虛用逍遙散六味丸五十餘劑諸症悉退

六味丸 此壯水制火之劑治腎虛發熱作渴小便淋秘痰壅失音咳嗽吐血頭目暈眩眼花耳聾咽喉燥痛口舌瘡裂齒不堅固腰腿痿軟

五臟虧損自汗盜汗便血諸血凡肝經不足之症尤當用之蓋水能生木故此水泛為痰之聖藥血虛發熱之神劑又治肝腎精血不足虛熱不能起床即仲景八味丸去附子桂心

肺癰

婦人肺癰因外內蘊熱或七情鬱火誤行汗下重亡津液以致肺氣受傷而惡風咳嗽鼻塞項強胸膈脹滿呼吸不利吐痰臭濁膿血腥穢若咳嗽喘急寒邪在表也小青龍湯咳嗽胸脹寒邪

內壅也葶藶大棗瀉肺湯脇脹咳唾腥臭膿已
成也桔梗湯咳喘短氣或小便短少肺氣虛也
佐以參耆補肺湯躰倦少食或喘嗽短氣脾肺
虛也佐以參朮補脾湯作渴飲冷午前嗽甚胃
火盛也竹葉石膏湯作渴內熱午後嗽甚陰血
虛也六味丸四物湯口乾飲湯躰倦少食胃氣
虛也補中益氣湯加五味麥冬口乾內熱咳嗽
痰涎腎水虛也六味丸益氣湯黃昏熱或嗽甚
陰火熾也六味丸四物湯加五味麥冬五更嗽

或痰甚脾肺虛也六君子湯嗽而不得眠及兩
脇疼肝火血虛也六味丸益氣湯大凡前症因
外淫所侵當祛邪而實上因心火太過當伐木
而補金若肺氣虛弱當補脾土而生肺金若陰
火上炎當補脾肺以滋腎水然而癸熱喘嗽咳
唾膿血飲食不入皆脾土不能生肺金肺金不
能生腎水之敗症苟能純補脾土而生諸臟多
有復生者若用寒涼脾胃復傷則肺金失養腎
水益涸虛火上炎薰蒸于肺吾未見其能生之

者其唾膿血脈浮大面色赤者俱難治若陰火妄動或勞嗽吐膿血者尤難治若膿自止脈浮短瀋及始萌者易治

一婦素血氣發熱咳嗽服痰火之劑後吐膿血面赤脈數其勢甚危此膿成而氣血虛也用八珍湯補元氣桔梗湯治肺癰而愈

青龍湯

肺受風邪咳嗽喘急

半夏

乾姜

細辛

麻黃

去根

肉桂

芍藥

炙甘草

各一錢

五味子

炒五分

大附子

炮五分

水煎服

葶藶大棗瀉肺湯

治肺癰胸膈脹滿上氣喘

急或身面浮腫鼻塞声重用葶藶炒黃研末每服三錢先用棗十枚水煎入藥再煎食後服

桔梗湯

治肺癰咳而胸膈隱痛胸次腫滿咽

乾口燥煩悶作渴濁唾腥臭

桔梗

枳壳

以仁

桑皮

各炒

當歸

貝母

瓜蒌仁

甘草

防己

去皮各

黃芩

鹽水炒

百合

各一錢半

五味子

炒

緝葶藶

炒

地骨皮 知母炒 杏仁各五分 姜水煎服

人參補肺湯 治肺癆腎水不足虛火上炎咳

唾膿血發熱作渴小便不調

人參 黃芪炒 白朮 茯苓 陳皮

川歸錢各一 山茱萸 山藥錢各二 五味子 麥冬

炙甘草錢各七 丹皮一錢 熟地一錢 姜水煎服

參芪補脾湯 治肺症因脾氣虛弱咳唾膿涎

中滿不食宜兼服此藥以補脾土生肺金

人參 白朮錢各二 黃芪錢各二 茯苓

川歸 陳皮錢各一 升麻三分 五味子四分

炙甘草 姜水煎服

人參平肺散 治心火剋肺金患肺痿咳嗽喘

嘔痰涎壅盛胸膈痞滿咽嗑不利方見嗽門

腸癰

婦人腸癰因經行產後瘀血或七情飲食所致其

証小便如淋發熱惡風身皮甲錯腹皮腫急按

之軟如腫狀或腹脹大轉側有水声或繞臍生

瘡或大便出膿其脉遲緊者膿未成用活命飲

以解其毒脉滑數者膿已成用雲母膏以下其
膿若二年間遍身微腫大便與臍出膿以息積
之症也多致不救內經云腸癰為病不可驚
則腸斷而死其坐卧轉側宜徐緩時常少飲稀
粥靜養調理庶可保生

一婦人小腹腫痛小便如淋以毒結于內用神効
瓜蒞散二劑少愈又以薏仁湯二劑乃痊

一婦小腹痛而有塊脉芤而瀋以瘀血為患以四
物加玄胡索紅花莖仁牛膝木香二劑血下而

愈

一婦小腹脹痛大便秘瀆轉側有水聲脉洪數用
薏苡梅仁湯一帖下去瘀血諸症頓退以薏以
仁湯二帖而瘥

一婦小腹脹痛小便不利脉滑數以膿已成服太
乙膏五錢膿大下脹痛悉退以瓜蒞散蠟凡丸
托裏藥而安

一婦因經水多服藥止之致腹作痛以失笑散二
帖而瘳又用加味逍遙散數劑而經調

一產婦惡露停滯小腹作痛服瓜仁湯下瘀血而
痊凡瘀血停滯急宜行之緩則腐化為膿最為
難治若流注關節則患骨疽多為敗症

瓜子仁湯 治惡露未盡或經行瘀血停滯小

腹作疼或成腸癰等症 方在孕癰卷

敗醬散 治脉数身無熱腹無積聚按之軟濡

以仁二兩 附子炮半 敗醬草一兩二

每服四錢水煎服以小便利為度

此為腸癰乃久積陰冷所成

牡丹湯 即牡丹散 治腸癰腹軟而痛時下膿

血 方在孕癰卷

千金大黃牡丹湯 治腸癰小腹堅腫按之則

痛肉色如故或焮赤微腫小便頻数汗多增寒

脉遲緊未成膿者宜服之

梅仁湯 治腸癰壅痛大便秘澀 二方在外

神仙蠶礬丸 最解毒止痛 方在癰疽門

失笑散 產後心腹絞痛或血迷心竅不

人事及尋常腹内瘀血積血作痛

五灵脂

炒

蒲黃

炒等分

為末每服二錢酒調下

乳癰乳岩

經云乳頭屬足厥陰肝經乳房屬足少明胃經若
 乳房忽壅腫痛結核色赤數日之外焮痛脹潰
 稠膿湧出膿盡而愈此屬胆胃熱毒氣血壅滯
 名曰乳癰為易治若初起內結小核或如鰲棋
 子不赤不痛積之歲月漸大巉岩崩破如熟榴
 或內潰深洞血水滴瀝此屬肝脾鬱怒氣血虧

損名曰乳岩為難療治法焮痛寒熱宜發表散
 邪腫焮痛甚宜踈肝清胃或不作膿成不潰宜
 用托裏或肌肉不生膿水清稀宜補脾胃或膿
 出反痛惡寒發熱宜補氣血或腫焮作痛晡熱
 內熱宜補陰血或飲食少思時作嘔吐宜補胃
 氣或飲食難化泄瀉腹痛宜補脾氣或勞碌腫
 痛宜補氣血怒氣痛腫宜養肝血甚不可用尅
 伐之劑復傷脾胃也乳岩初患用益氣養榮湯
 一味逍遙加味歸脾可以內消若用行氣破血

之劑則速其亡

婦內熱脇脹兩乳不時作痛口內不時辛辣若
卧而起急則臍下牽痛此帶脉病也小柴胡加
青皮黃連山梔二劑而安

一婦先熱渴至夜尤甚後兩乳忽腫肝脉洪數乃
熱入血分用加味小柴胡湯而愈

一婦膿清腫硬面黃少食內熱晡熱自汗盜汗月
經不行此肝脾氣血俱虛也用十全大補加遠
志貝母及補中益氣各三十餘劑外用葱熨法

而消

一婦久鬱左乳內結核如杏三月不消心脉濡
脉大按之無力此肝脾氣血虧損以八珍加貝
母遠志香附柴胡青皮桔梗五十餘帖而消

一婦右乳內結三核年餘不消朝寒暮熱飲食不
甘此肝脾氣血虧損內服益氣養榮湯外以木
香餅熨之年餘血氣復而

一婦乳內結核年餘晡熱食少此血氣不足欲用
益氣養榮湯彼欲効速另服行破之劑潰出清

膿而歿

一婦乳內結核如栗亦服前藥大如覆碗堅硬如石出血水而歿

神効瓜蒌散 治乳癰及一切癰疽初起腫痛

即消膿成即潰膿出則愈

瓜蒌一箇爛研 生粉草 當歸酒洗各半兩

乳香 沒藥各一錢 用酒煎服良久再服若

肝經血虛結核久而不消佐以四物柴胡升麻

白木茯苓甘草若肝脾氣血虛弱佐以四君芎

湯 婦柴胡升麻若憂鬱傷脾氣血虧損佐以歸脾

王露散 治產後乳脉不行或身軀壯熱頭目

昏痛大便澁滯等症

人參 茯苓 桔梗炒 川芎

白芷 當歸 芍藥各一錢 甘草五分

右水煎服

乳癰初發

貝母為末每服二錢熱酒下即以二手覆按

卓上垂二乳向下良父自通



